



Future-proofing our children

Ditaelo tsa tumelo 1

Setlhogo

Thuso ya seModimo – Baatlhodi le dikgosi tsa
ntlha tsa Iseraela

Mokaedi wa batsadi

Sekolo sa Tshini ithutelo laneng



Go Motsadi

O amogelesegile mo “**Thuso ya seModimo – Baatlhodi le dikgosi tsa ntlha tsa Iseraela**” Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://www.nac-sa.org.za/nac-sa-home/nac-sa-pastoral/sunday-school.html
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) • Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (SS1, RI1 kana Tlhomamiso). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng
4. Morutabana wa Sekolo sa Tshipi o nna a le teng a emetse go thusa.



Thuto

Setlhogo	Thuso ya seModimo – Baatlhodi le dikgosi tsa ntlha tsa Iseraela
Temana	Joshua 3 - 22; 1 Samuel 1 - 3; 1 Samuel 8 - 10 and 15
Maikaelelo a thuto	Bana ba ithute gore Modimo o tlhopha batho go thusa ba e leng gagwe.

Tshoboko ya Thuto:

- Lefatshe la Kanana le ne le kgaogangwe Merafhe e lesome le bobedi ya Iseraela.
- Karone yaga Josefa e ne e kgaogangwe bana ba gagwe Manasseh le Ephraim and Morafe wa ga Live ba fiwa ditoropo di le 48 le naga le masimo a diruiwa tsa bone
- Morago ga leso la ga Joshua le moruti yo mogolo, Eleazar, Baiseraela ba simolola go leofa gape ba rapela medimo e mengwe.
- Morena o ne a ba galefela thata mme a letlelela baba ba bone go ba fenya mme Baiseraela ba nna makgoba a babusi ba bone baba tswa kwa.
- Nako tsotlhe fa kgatelelo le tshotlego di gola ke gone ba lelelang ko Modimong.
- Modimo a nna mautlwelobotlhoko mo go bone mme a ba tlhophela moatlhodi, Mmusi wa sesole, mme a halosa Baiseraela mo babeng ba bone. Ka nako ya botshelo jwa Moatlhodi yo go ne go le kagiso mo motseng.
- Morago ga leso la Moatlhodi, Baiseraela ba boela morago ba huralela Modimo, ka jalo Modimo a ba leseletse go bogisiwa ke baba ba bone.
- Modimo o ne a thusa Moatlhodi Gideon go fenya baba ba bone ka banna ba le makgolo a mararo fela.
- Morago ga ngwaga tse supa ba bogisega ka fa tlase ga mmuso wa bakgokgontsi, Phenyio e ya tisa dingwaga tse masome a mane a kagiso mo Baiseraeleng.
- Samuel o ne a etelela Baiseraela ka ditaelo tsa Modimo. Fa a tsofala, a laena barwa ba gagwe baba bedi go dira jaaka ene, Mme ba tlola melao ya gagwe le ya Modimo.
- Batho ba ne ba batla kgosi le fa Samuel a ne a ba tlhagisa gore ba seka ba nna le kgosi, ba seka ba reetsa mme ba patika go nna le kgosi.
- Modimo a ba tlhophela Saul go nna kgosi mme Samuel a mo tshela lookwane go mo tlhomamisa jaaka kgosi ya Iseraela.



- Saul a leofela Modimo, fa ba sena go fenyha Amalekites ka go sireletsa botshelo jwa kgosi mme a tsaya diruiwa tse di nonneng a ya go direla Modimo setlhabelo.
- Samuel a tenega thata mme a raya Saul a re ka gore o itlhokomolositse lefoko la Morena, Morena le ene o tla mo itatola. Boikobo bo gaisa setlhabelo.
- Morago ga lesa la ga Samuel, Bafelistia ba simolola ntwala le Baiseraela mme fa kgosi Saul a bona masole a bone a tshoga mme a kopa kgakololo mo Modimong, mme Modimo wa seka wa mo araba.
- Mme, Saul ka boelelele a simolola go dirisa bo reaitse go ikgolaganya le Samuel yo o suleng.
- Samuel a itshupa mo go ene mme a mmolelela gore Modimo o mo ganne mme a porofeta gore Saul le ngwana wa gagwe bat la swa ka moso.
- Bafilistia ba fenyha Baiseraela moso o o latlelang mme Saul le ngwana wa gagwe ba swa.
- Saul o ne a gobetse thata. O ne a sa batle go tshwarwa mme a ipolaya ka go itigela mo thipeng ya gagwe.

Thuto e e re ruta eng tsatsi jeno?

- Modimo o ne a batla Saul le Baiseraela go mmoifa le go mo obamela.
- Modimo o ne o nna o boloka Baiseraela mo babogising ba bone; A ba fa Baatlhodi go ba thusa go fenyha dintwa.
- Malatsi a Modimo o boloka botlhe baba dumelang mo go Jeso Keresete.
- Re tshwanetse go rapela Modimo go re thusa mo ntweng ya rona le mmaba, mme re ikanyege mo go ene.
- Gore re bone thuso e re tshwanetse go latela dikgakololo tsa gagwe.
- Modimo o bua le rona mo maikutlong a rona, ka dikgwetho tse dingwe tse re tsenang mo go tsone, Ka batho ba bangwe le mo tirelong e boitshepho.
- Re tshwanetse go rapela gore re tlhaloganye gorata ga Modimo.

Dira ikatso 1 le ngwana wa gago.

Karabo ya ikatso 1: Dintlha go tswa mo lekwalong la ga Gideon



1. Dingwaga tse 7	6. Lefatshe le le metsi, wulu e e omileng
2. Maungo, dinku dikgomo le ditonki	7. Banna ba le 300
3. Moengele wa Modimo	8. Diporompeta, Dijana tse di senang sepe/dinkgo le dipone
4. Poloko	9. A letsa porompeta mme dinkgo tsa thubega
5. Lefatshe le le omileng, wulu e e metsi	10. Dingwaga tse 40

Dipotso tse re ka di botsang:

1. Merafhe ya Iseraele e ne e le kahe? Answer: 12
2. Ke morafhe ofe o o sa fiwang lefatshe? Answer: Morafhe wa ma Levi
3. Modimo o ne a tlhopha mang go boloka Baiseraele mo pogisegong? Answer: Baatlhodi
4. Gideon o ne a fenywa ka banna ba le kahe? Answer: 300
5. Moatlhodi wa bofelo ba Baiseraela ke mang? Answer: Samuel
6. Ke ka go reng Modimo o ne wa gana Saul le Baiseraela? Answer: Ba ne basa latlela melao ya Modimo gape basa ikikobetse

 Notes



Thapelo ya ga Rre le Mme le pele ga thuto:

*Modimo o rategang, ke lebogela letsasti le
Segofatsa batsadi le bana botlhe
Mma re ikutlwele boleng teng jwa gago
Segofatsa thuto e re yang go e amogela
Re kopa o re rute go go direla
Re thuse go dira thato ya gago
Gore re golele gaufi le wena
Romela Jeso go tla go re tsaya
Mme re bo re ipaakanyeditse go mo kgatlhantsha
Amen*



Thapelo morago ga Thuto:

*Rraetsho yo ko legodimong
Re lebogela pabalelo ya gago.
Nthusa go nna le tshiamo mo go botlhe.
Re lebogela gobo o le Modisa yo molemo o re etelela.
Amen*